

**ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2022. GODINU ZA
BUDŽETSKOG KORISNIKA KANTONALNA JAVNA
USTANOVA-ODGOJNI CENTAR KANTONA
SARAJEVO**

1. Odobrava se preraspodjela sredstava u Budžetu Kantona Sarajevo za 2022. godinu, sredstva u iznosu 21.000 KM u razdjelu 23060001 Kantonalna javna ustanova-Odgojni centar Kantona Sarajevo i to:

Raz	Glava	Potr. jed.	Ekon. kod	Subanalitika	Funkcija	OPIS	Iznos u KM
23	06	0001				Kantonalna javna ustanova-Odgojni centar Kantona Sarajevo	
						Sa ekonomskog koda (Izvor 10)	
23	06	0001	6111		107	Bruto plaće i naknade plaća	13.000
23	06	0001	6121		107	Doprinosi poslodavca	4.200
23	06	0001	6133		107	Izdaci za komunikaciju i komunalne usluge	3.000
23	06	0001	6137		107	Izdaci za tekuće održavanje	800
						Na ekonomski kod (Izvor 10)	
23	06	0001	6112	NFA001	107	Naknade troškova prevoza na posao i s posla	600
23	06	0001	6112	NFA002	107	Naknade za topli obrok	5.000
23	06	0001	6112	NFA005	107	Naknade u slučaju smrti i teže invalidnosti	2.200
23	06	0001	6131		107	Putni troškovi	550
23	06	0001	6135		107	Izdaci za usluge prevoza i gošćiva	200
23	06	0001	6139		107	Ugovorene i druge posebne usluge	6.000
23	06	0001	8213		107	Nabavka opreme	150
23	06	0001	8215		107	Nabavka stalnih sredstava u obliku prava	6.300

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-47154/22

18. novembra 2022. godine
Sarajevo

Ministar
Davor Čičić, s. r.

Ministarstvo za boračka pitanja Kantona Sarajevo

Na osnovu člana 66. stav 2. i 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministar za boračka pitanja Kantona Sarajevo donosi

INSTRUKCIJU

**O PROVOĐENJU ZAKONA O DOPUNSKIM PRAVIMA
BORACA - BRANITELJA BOSNE I HERCEGOVINE U
POSTUPKU OSTVARIVANJA PRAVA NA BESPLATNU
VOŽNJU U JAVNOM GRADSKOM SAOBRAĆAJU NA
PODRUČJU KANTONA SARAJEVO**

DIO PRVI - OSNOVNE ODREDBE

Član 1.

(Osnovne odredbe)

Ovom instrukcijom se uređuje način i uvjeti ostvarivanja prava na besplatnu vožnju u javnom gradskom saobraćaju na

području Kantona Sarajevo (u daljnjem tekstu: Kanton), korisnici prava i postupak ostvarivanja prava, odnosno provođenje člana 64. i 65. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22) (u daljnjem tekstu: Zakon).

Član 2.

(Rodna neutralnost izraza)

Izrazi koji se koriste u ovoj instrukciji, a imaju rodno značenje koriste se neutralno i odnose se jednako na muški i ženski rod.

**DIO DRUGI - KORISNICI PRAVA, NAČIN I
POSTUPAK OSTVARIVANJA PRAVA**

Član 3.

(Korisnici prava)

- (1) Ratni vojni invalid i član porodice šehida i porodice poginulog, umrlog, nestalog branioca, dobitnik ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu.
- (2) Pravo na besplatnu vožnju, pored ratnog vojnog invalida koji je korisnik prava na dodatak za njegu i pomoć od strane drugog lica, ima i lice koje mu pruža njegu i pomoć, pod uvjetima iz člana 5. ove instrukcije. Lice koje pruža njegu i pomoć ratnom vojnom invalidu, može biti bilo koje lice, pa i član porodičnog domaćinstva ratnog vojnog invalida.

Član 4.

(Ostvarivanje prava člana porodice šehida-poginulog branioca)
Pravo na besplatnu vožnju može ostvariti jedan član porodice šehida i porodice poginulog, umrlog, nestalog branioca, tj. bračni drug ili dijete, odnosno jedan od roditelja šehida, poginulog, umrlog, nestalog branioca.

Član 5.

(Pojam "drugi osnov")

Pod pojmom "drugi osnov" podrazumijeva se da podnosilac zahtjeva za ostvarivanje prava na besplatnu vožnju u javnom gradskom saobraćaju na području Kantona, nije u radnom odnosu, da nije korisnik invalidske ili starosne penzije, da ne obavlja samostalnu djelatnost, te da ne koristi subvenciju prevoza po drugom osnovu (đačka, studentska, penzionerska i slično).

Član 6.

(Način ostvarivanja prava)

Lica iz člana 3. ove instrukcije pravo na besplatnu vožnju ostvaruju putem javnih prevoznika koji obavljaju javni linijski prevoz putnika u Kantonu (u daljnjem tekstu: Javni prevoznici), a ovo pravo mogu ostvariti samo kod jednog javnog prevoznika po svom izboru do početka primjene jedinstvenog tarifnog sistema za javni linijski prevoz na području Kantona u dijelu korištenja jedinstvene karte svih javnih prevoznika.

Član 7.

(Nadležnost za donošenje prvostepenih rješenja)

- (1) Zahtjev za ostvarivanje prava na besplatnu vožnju, podnosi se nadležnoj općinskoj službi za boračko-invalidsku zaštitu, prema mjestu prebivališta lica koja rješava u prvom stepenu.
- (2) Zahtjevi za ostvarivanje prava na besplatnu vožnju rješavaju se prema stanju spisa i na osnovu dokaza uz zahtjev kojim je pokrenut upravni postupak, na osnovu čega se utvrđuje stvarno činjenično stanje i ispunjavanje uvjeta za priznavanje prava u momentu podnošenja zahtjeva za ostvarivanje prava, te u skladu sa tim donosi upravni akt.

- (3) Upravni akt koji donosi prvostepeni organ u obliku rješenja u dispozitivu treba obavezno da sadrži naznaku da se pravo na besplatnu vožnju priznaje licu koje je podnijelo zahtjev od prvog narednog mjeseca od dana podnošenja zahtjeva, te pripadnost braniteljskoj populaciji istog.
- (4) Obrazloženje rješenja treba obavezno da sadrži: datum podnošenja zahtjeva za ostvarivanje prava na besplatnu vožnju, dokaz o pripadnosti boračkoj kategoriji, kao i sve ostale dokaze sa naznačenim brojem, datumom i nazivom organa koji je izdao akt na osnovu kojih se utvrđuje stvarno činjenično stanje i ispunjavanje uvjeta za priznavanje prava.

Član 8.

(Potrebna dokumentacija za ostvarivanje prava)

- (1) Osnovna dokumentacija za odlučivanje po zahtjevu za ostvarivanje prava na besplatnu vožnju u javnom gradskom saobraćaju na području Kantona jeste:
 - a) dokaz od Službe za zapošljavanje da se podnosilac zahtjeva nalazi na evidenciji nezaposlenih lica;
 - b) dokaz da podnosilac zahtjeva nije korisnik prava na penziju kod Federalnog zavoda za penzijsko i invalidsko osiguranje (Mirovinsko osiguranje);
 - c) dokaz da podnosilac zahtjeva nije evidentiran kao aktivni osiguranik kod Federalnog zavoda za penzijsko i invalidsko osiguranje (Mirovinsko osiguranje);
 - d) dokaz da podnosilac zahtjeva nije evidentiran kao poreski obveznik (Poreska uprava);
 - e) ovjerena CIPS-ova prijava boravka;
 - f) ovjerena izjava od nadležnog organa o izabranom Javnom prevozniku;
 - g) izjava ovjerena od nadležnog organa da će podnosilac zahtjeva prijaviti svaku promjenu koja utiče na ostvarivanje prava na besplatnu vožnju u javnom gradskom saobraćaju, te ukoliko se utvrdi suprotno vratiti uplaćena sredstva.
- (2) Dokaze iz tačke a), b), c) i d) stava (1) ovog člana, prvostepeni organ pribavlja po službenoj dužnosti.

Član 9.

(Obaveza vršenja revizije)

- (1) Općinske službe za boračko-invalidsku zaštitu su dužne vršiti reviziju korisnika ovog prava krajem svake tekuće godine za slijedeću godinu, bez obaveze donošenja novog rješenja, izuzev kada korisnik tog prava ne ispunjava uvjete za nastavak korištenja istog. Potrebno je samo konstatovati službenom zabilješkom ispunjavanje traženih uvjeta.
- (2) Ukoliko korisnik ne ispunjava tražene uvjete, općinska služba za boračko-invalidsku zaštitu donosi rješenje o odbijanju zahtjeva.
- (3) U drugostepenom postupku po žalbi rješava Ministarstvo za boračka pitanja Kantona (u daljnjem tekstu: Ministarstvo).

Član 10.

(Vođenje evidencije o korisnicima)

Općinske službe za boračko-invalidsku zaštitu su dužne voditi službenu evidenciju o korisnicima prava, odnosno donijetim rješenjima, a koja mora sadržavati podatke o korisniku (ime, ime oca, prezime, JMB, kategorija, adresa, općina) i priznatom pravu (broj i datum rješenja o priznavanju prava). Evidencija treba biti u formi pogodnoj za unos/prenos u bazu podataka o korisnicima prava shodno članu 72. Zakona.

Član 11.

(Dostavljanje spiskova korisnika)

- (1) Općinske službe za boračko-invalidsku zaštitu su dužne mjesečno sačinjavati spisak korisnika ovog prava po svakom Javnom prevozniku. Spiskovi se mjesečno dostavljaju Javnim prevoznicima i isti su osnov za izdavanje kupona korisnicima. Svaki Javni prevoznik mjesečno fakturiše Ministarstvu stvarno izdate kupone uz dostavljanje općinskih spiskova sa potpisima lica koja su koristila prevoz tj. preuzela kupone.
- (2) Općinske službe za boračko-invalidsku zaštitu su dužne svakog mjeseca Ministarstvu dostavljati bročanu rekapitulaciju - spiskove korisnika prava po svakom Javnom prevozniku te primjerak rješenja za lica kojima je od tog mjeseca priznato pravo ili su ga prestali ostvarivati (razlika u odnosu na prethodni mjesec).

Član 12.

(Ugovori o snošenju troškova)

Ministarstvo će sa Javnim prevoznicima svake godine potpisati ugovore o snošenju troškova po osnovu ostvarivanja prava na besplatnu vožnju u javnom gradskom saobraćaju na području Kantona, po cijeni koju utvrdi Vlada Kantona. Ugovorima se reguliše period izdavanja i važnost kupona, izgled kupona i način izdavanja istih, kao i način i forma fakturisanja usluga, te drugi elementi neophodni za realizaciju prava.

DIO TREĆI - PRIJELAZNE I ZAVRŠNE ODREDBE

Član 13.

(Prestanak važenja ranijeg propisa)

Danom stupanja na snagu ove instrukcije prestaje da važi Instrukcija o provođenju Zakona o dopunskim pravima boraca-branitelja Bosne i Hercegovine u postupku ostvarivanja prava na besplatnu vožnju u javnom gradskom saobraćaju na području Kantona Sarajevo ("Službene novine Kantona Sarajevo", broj 21/19).

Član 14.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-49547/22

09. decembra 2022. godine
Sarajevo

Ministar

Dr. sc. Omer Osmanović, s. r.

GRAD SARAJEVO

Gradsko vijeće

Na osnovu člana 26. stav (1) tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo ("Službene novine Kantona Sarajevo", br. 10/14, 26/18, 31/20, 45/21, 11/22 i 28/22), Gradsko vijeće Grada Sarajeva, na 21. sjednici održanoj dana 30.11.2022. godine, donijelo je

ODLUKU

**O DOPUNI KALENDARA OBILJEŽAVANJA DATUMA
I DOGAĐAJA ZNAČAJNIH ZA GRAD SARAJEVO**

Član 1.

(Predmet)

Ovom odlukom utvrđuje se dopuna Kalendara obilježavanja datuma i događaja značajnih za Grad Sarajevo (u daljnjem tekstu: Kalendar) koji je sastavni dio Odluke o obilježavanju datuma, događaja i ličnosti od značaja za Grad Sarajevo ("Službene novine Kantona Sarajevo", br. 10/14, 26/18, 31/20, 45/21, 11/22 i 28/22).